

醫學從衆
三

亥21
46(3)-10
3

十四



醫學從衆卷五

閔吳毓陳念祖修園甫著

次男元犀靈石參訂

孫男

心典徽菴

心蘭芝亭

全校



隔症反胃

隔者阻隔不通不能納穀之謂也。又謂之隔言病在胸膈之間也。上焦出胃上口主納中焦並胃中主腐化下焦別廻腸主濟泌此症三焦失職百無一生丹溪指爲胃脘乾枯以四物湯入牛羊乳竹瀝韭汁之類主之薛氏指爲怫鬱傷肝肝木剋土以左金丸消

北京中医药大学图书馆藏

遙散六君子湯歸脾湯六味丸。六味丸之類隨症間服。易思蘭本此法以治氣膈。晨吞入味丸百粒。暮服暢衛湯開導其上。滋補其下。多效。趙氏以此病多得之五旬以上。腎水既乾。陽火偏盛。煎熬津液。三陽熱結。則前後閉滯。下既不通。必反於上。直犯清道。上冲吸門。須以六味丸料大劑煎飲。久服可挽十中之一二。然以余觀之。隔病既成。終無治法。問曰既無治法。豈真坐視其亡耶。

修園曰。卽欲服藥。亦不過盡人事而已。吾鄉老醫某只守程氏啟

膈飲一湯。始服頗效。久亦增病。然而痰火鬱氣阻逆於上者。亦藉

爲引導也。已任篇專取陽月以左。歸飲加生地。當歸亦所以開竅

門。此門開則能納食。

幽門。此門開則小便利。

闢門。此開門則大便潤。

之法也。此數方之意。

皆仿於仲景大半夏湯用甘瀾蜜水之法而不知仲景取半夏
升降陰陽藉人參以重生津液復得蜜之滋潤灌溉流通而阻隔
之患乃免程氏以半夏耗液爲禁豈知仲景麥門冬湯及此方之
微旨哉

張石頑云古人指噎膈爲津液乾枯故水液可行乾物梗塞爲精
在上焦余竊疑之若果津液枯槁何以食纔下咽涎隨上湧乎故
知膈咽之間交通之氣不得降者皆衝脉上行逆氣所作也惟氣
逆故水液不得居潤下之常隨氣逆湧耳若以津枯而用潤下之
劑豈不反益其邪乎宜六君子湯加減挾寒脉遲細者加肉桂附
子挾熱脉數滑者加枳實黃連若噎而聲不出者加五味子竹茹

喉中有一塊食物不下者。痰氣也。加海石。訶子。膈間作痛。多是痰血。加歸尾。桃仁。韭汁。童便。甚者。加大黃微利之。千金五噎丸。五膈丸。亦可擇用。

按張石頑主於衝脉上逆。誠千古灼見。亦從仲景大半夏湯悟出。然必謂潤下之劑。反益其邪。是因其涎沫之多。而狃於見症之輕。習也。衝脉不治。取之陽明。故仲景以半夏降衝脉之逆。卽以白蜜潤陽明之燥。加人參以生旣亡之津液。石頑此論。得其半而遺其半也。蓋人之胃中疊積如膏脂者。謂之胃陰。今因衝氣上逆。日嘔出粘涎。卽日亡其胃陰。尙得謂滋潤之劑。宜屏絕乎。余所以不敢阿好也。



人鏡經曰內經云三陽結謂之隔蓋是大陽膀胱經水道不行手
太陽小腸經津液枯涸足陽明胃經燥壅結聚所以飲食拒而不
入縱入太倉還出喉嚨人之腸胃一日一便乃常度也今隔食之
人五七日不便陳物不去新物不納俗醫強分爲五隔十噎支派
旣多併喪其實標本不明是以火裏煨薑湯中煮桂胡椒末已華
撥繼之丁香末已豆蔻繼之雖曰和胃胃本不虛雖曰溫脾脾本
不寒此病之所以日盛也法當用三一承氣湯節次微下之後用
芝麻飲噉之陳莖去而腸胃潔癥瘕盡而榮衛昌飲食自進矣
按此法雖偏而百無一生之症急用之尙有餘望否則逡巡觀
望何濟於事

反胃症朝食暮吐暮食朝吐初患者尚可治王太僕云食不得入是有火也食入反出是無火也遵趙氏法以六味丸治陽虛是壯水之主以制陽光以八味丸治反胃是益火之原以消陰翳而自愚論之食入反出脾失其消穀之能胃失其容受之能宜理中湯溫脾加麥芽以暢達一陽之氣與參朮消補同行土木不害而脾得盡其所能或吳茱萸湯溫胃藉吳萸以鎮納厥陰之逆氣合參朮甘溫相濟震坤合德而胃得盡其所能而猶恐中土大寒溫補大緩以乾薑吳萸附子草撥蜜丸俾火化之速復恐燥熱上僭傷上焦細細之氣以沙參白朮茯苓麥芽五穀虫甘草白蔻仁爲末厚裹於外又以硃砂六一散爲衣使溫

和之藥在外先行於上而辛熱之藥由中焦以直達命門熟

水穀續以八味丸收其全功若病勢之甚第以八味丸緩服

免迂濶矣張石頑云有陽虛不能統運嘔逆便秘用人參大黃

當大附子作芥子大石二錢但飲熱及食椒薑輒呃者有瘀血也

診脉

浮緩而滑 沉緩而長

弦濇短小為難治

大半夏湯方見金匱

啟膈飲方見寶鑑

三一承氣湯方見時方



按久病與羸敗之人前方未免太峻余用麻仁丸及高鼓峯新方代之高鼓峯悟王損菴治隔用大黃之妙融會一方頗為穩當方用熟地五錢當歸白芍桃仁麻仁各三錢微微潤之其形體如常即以前方內加大黃一二錢以助血藥

加減左歸飲

經云腎乃胃之關關門不利升降息矣關門無氣交之中天之樞也故腎旺則胃陰充胃陰充則能食

已任篇曰隔症一陽明盡之予治荆溪潘爾修之隔用左歸飲去茯苓加生地當歸兩大劑而便潤食進又十劑而兩便如常飲食復舊蓋以左歸飲中有甘草則直走陽明以和其中且當歸生地合用則能清胃火以生其陰胃陰上濟則賁門寬展故飲食能進胃陰下達則幽門闌門皆滋潤故二便如常去茯苓

者恐其分流入坎。不若專顧陽明之效速也。

和中暢衛湯

紫蘇梗五分

香附醋炒

神麴炒

沙參錢各

桔梗

連翹去心尖各六分

木香四分

蒼朮

撫芎

貝母各八分

砂仁三分

生薑三片

水煎服

易思蘭曰。註云。香附、蘓梗、開竅行氣。蒼朮、健中。貝母、開鬱痰逆。翹散六經之火。撫芎發肝木之困。神麴行脾之鬱。木香、逐氣流。行。桔梗、升提肺氣。沙參助正氣而不助火。此方提上焦之火邪。乃火鬱發之之義也。然徒用此方。而不兼補下之藥。雖能解散。



於一時其火無水制必然復生而痞滿噎隔之疾恐尤甚於前也。

愚按內經云、隔塞閉絕、上下不通、則暴憂之病也。可見此病多起於鬱結不舒、胃氣不能敷布所致。張鷟峰所謂神思間病是也。方中雖是解鬱套藥、而分兩多寡、氣味配合似有獨得之妙。又與八味丸間服、所以多效。喻嘉言資液救焚湯與八味丸間服、亦是此意。但救焚湯大涼大降、流於奇險、不如此湯之平易。

近人也。

五噎丸

金于

治胸中久寒嘔逆妨食結氣不消

乾薑

蜀椒

吳茱萸

桂心

北細辛

各一兩

人參

白朮

各二兩

橘皮

茯苓

各一兩五分

附子

一枝炮

右爲細末煉蜜丸桐子大酒服十五丸日三服漸加至三十丸

五膈丸

于金

治飲食不得下手足冷上氣喘息

麥門冬

三兩

甘草

二兩

蜀椒

炒去汗

遠志肉

桂心

細辛

乾薑

炮各一兩

附子

一枚炮

人參

二兩

右爲細末煉白蜜丸彈子大先食噲一丸細細嚥之喉中胸尚



熱藥丸稍盡再噙一丸日三夜二服七日愈

張石頑曰二丸同用參附椒辛薑桂之類一以肝氣上逆胃氣不下而嘔噎故用萸橘以疎肝降逆苓朮以健脾通津一以腎氣不蒸肺胃枯槁而不納故用冬草以滋肺和胃遠志以補火生土又嘔噎而藥食可進者頻與小丸調之膈塞而飲食不內者時用大丸噙之其立法之詳若此可不辨而忽諸

吳茱萸湯

方見傷寒

理中湯

方見傷寒

連理丸

理中丸加黃連

八味丸

方見時方

又攷隔食反胃及嘔吐粒米不入之症多係七情不遂激動其氣氣亂載血上逆菟積於中胃氣阻隔用生鵝血乘熱飲之取其生氣未離以血攻血直透關鑰引宿積之瘀一涌而出而胸膈豁然此法詳於蘇東坡瑣錄前輩金淳還公卽韓慕廬東坦俱已驗效推之生鴨血生黃牛血亦可用

西洋藥酒方

錦囊秘授

神治隔食翻胃一切痢疾水瀉等症立驗

紅荳蔻

去殼

白荳蔻

去殼

肉荳蔻

麵裏煨用紙包壓去油

高良薑

切片炒

甜肉桂

去皮

公丁香

各研淨細末戔准五分

先用上白冰糖四兩水一飯碗入銅鍋內煎化再入雞子清二

個煎十餘沸入好燒酒一觔離火置穩便處將藥末入銅鍋內打勻以火點着燒酒片刻隨卽蓋鍋火滅用紗羅濾去渣入磁瓶內用冷水去火氣隨量少飲之

繆仲淳秘傳膈噎膏

人參濃汁

人乳

牛乳

梨汁

機汁

蘆根汁

龍眼濃汁

右七味各等分加薑汁少許隔湯熬成膏于下煉蜜徐徐頻服之其效如仙丹

貝母糖酒方

好陳酒一觔

冰糖十兩

貝母心去

砂仁



木香

陳皮各二錢

右咀片入磁瓶內、箬葉扎緊、上放米一撮、煮以米熟爲度、每日清晨服一大杯、

糖薑餅

用糖坊內上好糖糟一

生薑四兩

先將糖糟打爛、和薑再搗、做小餅、曬乾、放磁瓶內、置灶烟櫃上、每日清晨將餅一枚、泡滾水內、少停飲湯、

入汁湯

治噎食

生藕汁

生薑汁

雪梨汁

蘿蔔汁



北京中医药大学图书馆藏

甘機汁

白菓汁

蜂蜜

竹瀝

右各一盞和勻飯上蒸熟任意食

牛羊人乳汁

治翻胃膈氣此證必起於腸枯血燥大便三四日一次
栗若如羊屎者不治口常吐白沫者不治

牛乳

羊乳

人乳

不拘分重總宜常服爲生血潤腸之妙藥

瘧症

瘧疾不離少陽少陽爲半表半裡邪居表裏之界入與陰爭則寒
出與陽爭則熱爭則病作息則病止止後其邪仍據於少陽之經



上海中醫藥大學圖書館版權所有